





太陽經中篇 五十六章

太陽壞病

太陽風寒有正治之法桂枝麻黃是也陽偏盛者恐異日之入陽明則有大青龍白虎湯早清其燥熱陰偏盛者恐異日之入三陰則有小青龍五苓散預去其濕寒處治不差病在太陽一經自當應藥而解不成壞病醫不知此實其實而虛其虛若汗若吐若下若溫鍼補瀉異施遂成壞病非復太陽本色矣壞病者即後日之陽明與三陰也陽盛而泄其陰則入陽明陰盛而亡其陽則入三陰桂枝麻黃之證變為亢陽孤陰是以曰壞至於陽明俟其府熱內實一下而愈猶為逆中之順然而府邪傷陰失於急下亦伏死機則順中之逆正自不少若夫三陰陰盛陽負動懼危亡則逆居強半而順不十三仲景於是救急之法隨證處治轉逆為從元通微妙良工心苦矣

太陽壞病提綱一 太陽五十四

桂枝麻黃太陽風寒主方也若至三日之久正將入陽明太陰之期業經汗下溫鍼而病仍不解則事當大壞未必猶在太陽即太陽未罷而亦未必尚屬太陽桂麻之證是宜審觀脈證另立新法故總立壞病之綱詳開救急之門也

太陽病三日已發汗若吐若下若溫鍼仍不解者此為壞病桂枝不中與也觀其脈證知犯何逆隨證治之太陽病治之得法當解於本經不至入府傳藏而成壞病若至三日之久已經發汗吐下溫鍼諸治而病不解則不在太陽定緣誤治入別經而成壞病當觀其脈證知其所犯何逆隨證治之曰壞病者非太陽之本病故也

壞病提綱二 太陽五十五

本發汗而復下之此為逆也若先發汗治不為逆先本下之而復汗之為逆若先下之治不為逆

申明上章逆字之義風寒外閉宜辛溫發散而不宜下燥熱內結宜苦寒攻下而不宜汗若表邪未解裏邪復盛則宜先汗而後下若裏邪急迫表邪輕微則宜先下而後汗錯則成逆矣若治法得宜先後不失不為逆也

太陽壞病入陽明去路十五章

陽明從燥金化氣陽旺之人表鬱則燥動然不經誤治津液未耗燥氣之作何至遽盛及其汗下溫鍼傷津亡液燥氣大發經府合邪乃成下證雖不如三陰之險然陰虧陽亢亦伏危機未可率然也

太陽壞病入陽明桂枝證一 太陽五十六

太陽病先發汗不解而復下之脈浮者不愈浮為在外而反下之故令不愈今脈浮故知在外當須解外則愈桂枝湯主之方在太陽五

太陽病先發汗不解而復下之設內有府熱則下之當愈若使脈浮則表邪未解必不能愈以浮為邪在表遺其外邪而反下之故令不愈當須解外則愈宜主桂枝也 此太陽表證未罷而內有府熱固當下也然必外解而後可下若發汗未解而反下之設脈猶見浮則外必不愈故仍以桂枝解外

發汗亡津證二 太陽五十七

大下之後復遽汗小便不利者亡津液故也勿治之得小便利必自愈

膀胱者州都之官津液藏焉氣化則能出矣土濕金鬱氣不化水土濕木鬱不能行水皆令小便不利小青龍五苓散證之小便不利悉緣土濕而水停則小便之不利必因濕旺若汗下之後而見小便之不利是津液亡泄燥而非濕也然別無熱渴之證則其燥未甚勿用治之俟其津液續復得小便一利必自愈也汗下之後小便不利陽虛之人則陽亡而病濕陰虛之人則陰亡而傷燥此不見陽亡濕動之證故知是亡津傷燥也此亦人參白虎證而燥熱未作則病勢最輕故不須治之

麻杏甘石證三 太陽五十六

發汗後不可更行桂枝湯若汗出而喘無大熱者可與麻黃杏仁甘草石膏湯主之

汗後表寒未解鬱其肺氣熱蒸皮毛竅閉而不能透泄故汗出而喘表得汗泄故外無大熱麻黃發表杏仁降逆石膏清金甘草培土則表裏俱解矣此亦大青龍證之輕者以在汗後故不用青龍汗後不可行桂枝亦大概言之他如發汗已解半日許復煩可更發汗宜桂枝湯未嘗必禁桂枝也

麻黃杏仁甘草石膏湯十七

麻黃四兩杏仁五十枚甘草二兩石膏半斤碎綿裹

右四味以水七升先煮麻黃減二升去上沫內諸藥煮取二升去滓溫服

一升

汗後作喘證四太陽五十九

發汗後飲水多者必喘以水灌之亦喘

推原上章喘字之義汗出亡津液燥渴飲水飲水太多而汗出陽虛不能消散水停則肺氣壅遏故必喘以水灌之皮毛外閉肺氣鬱阻故亦喘也

麻黃甘草石證五太陽六十

下後不可更行桂枝湯若汗出而喘無大熱者可與麻黃杏仁甘草石膏主之

下後表寒未解鬱其肺氣肺鬱生熱蒸發皮毛而不能透泄故汗出而喘表寒裏熱宜麻杏甘石雙解之可也

下後不可行桂枝亦大概言之他如傷寒醫下之續得下利清穀章救表宜桂枝湯又傷寒大下後復汗心下痞章

解表宜桂枝湯太陽病先發汗不解而復下之脈浮者不愈章當須解外則愈桂枝湯主之未嘗必禁桂枝也

人參白虎證六太陽六十一

服桂枝湯大汗出後大煩渴不解脈洪大者白虎加人參湯主之方在太陽三十九

服桂枝湯後汗出表解而津液亡泄裏熱則增是宜白虎清裏而大汗之後大作煩渴而脈又洪大是亡津而氣亦

泄也津由氣化靈樞決氣上焦開發宜五穀味薰膚充身澤毛若霧露之溉是為氣此當益氣以生津故加人參素

問評熱論脈燥疾不為汗衰者死以精氣消亡無以灌其枯燥也白虎而加人參使清氣降灑化而為露滋潤枯

涸滌洗煩燥莫善於此矣

人參白虎證七太陽六十二

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主

方在太陽三十九

吐下之後氣奪津傷七八日不解燥熱內盛而自裏達表表裏俱熱熱蒸數泄時時惡風舌上乾燥而心內焦煩欲飲水數升之多主以人參白虎清金而泄熱化氣而生津也

表裏俱虛證八 太陽六十三

太陽病先下之而不愈因復發汗以此表裏俱虛其人因致冒冒家汗出則自愈所以然者汗出表和故也得裏和然後下之

太陽病先下之而不愈傷其陰液因復發汗傷其陽津表陽裏陰以此俱虛表陽虛則陰氣外束裏陰虛則陽氣內鬱陽氣內鬱而不外達其人因致昏冒冒家汗出則自愈所以然者汗出則衛氣外達經脈和暢陰退而陽宣也表和之後得裏未和然後下之

調胃承氣證九 太陽六十四

發汗後惡寒者虛故也不惡寒反惡熱者實也當和胃氣與調胃承氣湯

方在陽明二十

陽虛之人汗則亡陽陰虛之人汗則亡陰汗後惡寒者氣泄而陽虛故也故防入少陰不惡寒反惡熱者津傷而陽實故也是已入陽明將成大承氣證宜早以調胃承氣和其胃氣預奪其實也

陰陽俱虛證十 太陽六十五

太陽病中風以火劫發汗邪風被火熱血氣流溢失其常度兩陽相薰灼其身發黃陽盛則欲衄陰虛則小便難陰陽俱虛竭身則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸牀小便利者其人可治

太陽中風以火劫發汗邪風一被火熱血氣流溢而失其常度外劫之火與內鬱之陽兩相薰灼其身發黃上之陽盛則欲衄下之陰虛則小便難陰液陽津俱至虛竭身體則枯燥不潤陽氣上燔但頭汗出劑頸而還裏氣膈鬱而為脹滿肺氣壅阻而為微喘火炎於上口乾而咽爛其時或不大便久則衛鬱莫泄濁氣薰心而為譫語甚者胃氣衝逆而為嘔噦或手足躁擾捻衣摸牀凡此諸證總以表裏壅遏熱無泄路故鬱悶懊懷煩亂如是宜以辛涼之藥雙表裏若小便利者是陰氣未絕其人可治也 此證惡熱鬱蒸宜以蘇黃石膏世其表熱大黃世其裏熱

半夏生薑降其逆猪苓石滲其濕表裏雙清則神氣慧爽矣

火熱入胃證十一 太陽六十六

太陽病二日反躁反慰其背而大汗出火熱入胃胃中水竭躁煩必發譫語十餘日振慄自下利者此為欲解也故其汗從腰以下不得汗欲小便不得反嘔欲失溲足下惡風大便鞭小便當數而反不數及大便已頭卓然而痛其人足心必熱穀氣下流故也

太陽病皮毛被感表鬱為熱內尚無熱俟其表熱傳胃日久失清乃見煩躁今二日之內方入陽明不應躁而反躁其胃陽素盛可知乃不用清涼反慰其背而大汗出火炎就燥邪熱入胃胃中水竭乃生煩躁燥熱薰心必發譫語若十餘日後微陰內復忽振慄而自下利則胃熱下泄此為欲解也方其慰背取汗火熱蒸騰上雖熱而下則寒故從腰以下絕無汗意外寒鬱其內熱故膀胱閉澀欲小便而不得陽氣升泄不根於水膀胱無約時欲失溲如此則小便當數而反不數者津液枯也水枯則大便乾鞭便乾腸結胃熱不得下達故氣逆作嘔火熱上逆故足下逆冷而惡風寒及振慄下利大便已行則穀氣宣暢四達頭痛而火從上散足熱而陽從下達胃中燥熱解散無餘緣穀氣以便通自下流故也便通而頭痛者如爐底壅塞火焰不升一通則火即上炎也

火邪圍血證十二 太陽六十七

太陽病以火薰之不得汗其人必躁到經不解必清血名為火邪清與圍同

太陽病當以汗解乃以火薰之又不得汗內熱愈增其人必躁到經盡之期當解而不解熱傷血分必當圍血此名

火邪也

火逆助邪證十三 太陽六十八

脈浮宜以汗解用火灸之邪無從出因火而感病從腰以下必重而痺名火逆也

脈浮宜以汗解乃以火灸之邪無從出因外火而更感病從腰以下必重濁而痺塞此名火逆

火逆吐血證十四 太陽六十九

脈浮熱甚反灸之此為實實以虛治因火而動故咽燥吐血

脉浮熱其當汗之以泄其熱反灸之此為實症實症而用灸是實以虛治也內之實熱因外火而大動必傷陰氣故咽燥而吐血

火邪內攻證十五 太陽七十

微數之脉慎不可灸因火為邪則為煩逆追虛逐實血散脉中火氣雖微內攻有力焦骨傷筋血難復也

微數之脉榮血虛虧慎不可灸誤灸而因火為邪則為煩躁而氣逆陰氣之已虛逐陽火之原實逆因令血散脉中耗亡失守一灸之火雖微而其煎熬內攻則甚有力焦骨傷筋日就枯槁榮血消鑠終難復舊也

太陽壞病入太陰去路二十一章

太陰以濕土主令感陰之人病在太陽表鬱則濕動然不經誤治則胃陽未虧濕氣之作猶俟漸成及夫汗下温鍼陽亡陰旺濕邪勃興土敗水侮危證疊出防微杜漸之法不可不亟講也

太陽壞病入太陰五苓散證一 太陽七十一

太陽病發汗後大汗出胃中乾燥煩不得眠欲得飲水者少少與之令胃氣和則愈此太陽入陽明去路將成白虎證者若脉浮小便不利熱微消渴者五苓散主之方在太陽四十一

發汗後陽盛之人陰亡土燥則入陽明而成白虎證陰盛之人陽亡土濕則入太陰而成五苓散如汗後胃中乾燥煩不得眠欲得飲水此將來之人參白虎證也宜少少與飲以在大汗之後陽氣新虛也設燥熱已甚少水不救感

火則用白虎若燥熱未甚得少水和胃則煩渴自愈無事白虎也若汗後脉浮小便不利熱微消渴則太陰之象已見端倪宜以五苓燥土而行水蓋陽格於外表證未解是以脉浮濕動於內木氣不達是以小便不利木鬱風動耗傷肺津是以消渴此之消渴消少水而煩飲不能大消以其濕盛而熱微也

五苓散證二 太陽七十一

發汗已脉浮數煩渴者五苓散主之方在太陽四十一

發汗已熱隨汗散乃脉見浮數而證見煩渴是汗出陽虛土濕而火升也蓋火秘陽蟄全恃乎土陽亡濕動肺胃不降君火升炎故脉證如此宜以五苓燥土泄濕若未汗而見浮數煩之脉證則宜大青龍而不宜五苓矣

降君火升炎故脉證如此宜以五苓燥土泄濕若未汗而見浮數煩之脉證則宜大青龍而不宜五苓矣

傷寒脉浮自汗出小便數心煩微惡寒脚攣急反與桂枝湯欲攻其表此誤也得之便厥咽中乾燥煩吐逆者作甘草乾薑湯與之以復其陽若厥愈足溫者更作芍藥甘草湯與之其脚即伸若胃氣不和讖語者少與調胃承氣湯若重發汗復加燒鍼者四逆湯主之方在太陰三

脉浮自汗裏熱外泄也小便數則大便必鞭心煩者胃熱之薰衝也陽明病雖得之一日惡寒將自罷即自汗出而惡熱微惡寒者表未全解自汗雖出而未能遽發也亦是調胃承氣證陽明篇上太陽病若吐若下者發汗微煩小便不利下心煩者可與醫以脉浮自汗病在太陽中風證反與桂枝湯加附子而增桂枝以攻其表此大誤也得之調胃承氣湯即此症汗多陽亡使手足厥冷咽喉乾燥陽氣離根而生煩躁胃氣上逆而作吐嘔作甘草乾薑湯與之甘草培土而補中乾薑溫胃而降逆陽回脉暖是以厥愈足溫其脚之攣急緣其木燥而筋縮也更作芍藥甘草湯與之甘草舒筋而緩急芍藥清風而潤燥其脚自伸若胃氣不和土燥讖語少與調胃承氣則胃氣調和矣桂枝發汗是為一逆若不以薑甘回陽而重發其汗或復加燒鍼以大亡其陽是為再逆當速用四逆以回陽薑甘加附子水土雙溫也

甘草乾薑湯 十八

甘草 四兩 乾薑 二兩 右咬咀以水三升煮取一升五合去滓分溫再服

芍藥甘草湯 十九

芍藥 四兩 甘草 四兩 右咬咀以水三升煮取升半去滓分溫再服

甘草乾薑證四 太陽七十四

問曰證象陽旦按治之而增劇厥逆咽中乾兩脛拘急而讖語師言夜半手足當溫兩足當伸法後如師言何以知此答曰寸口脉浮而大浮則為風大則為虛風則生微熱虛則兩脛攣病證象桂枝因加附子參其間增桂令汗出附子溫經亡陽故也厥逆咽中乾煩躁陽明內結讖語煩亂更飲甘草乾薑湯夜半陽氣還兩足當溫脛尚微拘急重與甘草芍藥湯兩脛乃伸以承氣湯微瀉則止其讖語故知病可愈

此復述上章設為問答證象陽旦即證象桂枝之互文金氏產後中風數十日不解頭痛惡寒時時有熱乾嘔汗出雖久陽旦證續在耳可與陽旦湯林億以為即桂枝湯按證



是桂枝湯無礙以法治之即上章以桂枝攻其表及此章因加附子增桂令汗出也寸口脉浮而大浮則為風大則為虛載在脉法脉法寸口脉浮而緊浮則為風緊則為寒脉弦而大大則為芤芤則為虛也所為風則浮虛也脉法風則生其微熱虛則兩脛攣急病與桂枝湯證形象符合而熱微足攣又似陽虛因增桂枝而加附子以發其表附子溫經汗多亡陽是以厥逆咽乾而生煩躁

汗出津枯胃府燥結是以讖語煩亂不知寸口脉浮大是陽明之裏實陽明篇大便硬者脉浮而發為陽明病傷寒三日陽明脉大三陽合病脉浮而大非太陽之表虛誤以桂附發汗重亡其陽裏實變而為裏虛更飲乾薑甘草湯回足溫重與芍藥甘草湯即脛伸少

與調胃承氣變結糞為微溏止其讖語藥良法精應手愈矣何不可知之有喻嘉言誤會陽且陰且二湯謂桂枝加用之即桂枝加黃芩之法所以得之便厥誤在黃芩仲景即行桂枝之法增桂枝令其汗出更加附子溫經特謂經矣嗣後醫書俱襲其說皆載陽且陰且二方不通之至仲景自有桂枝加桂湯不明陽且陰且之名荒唐怪誕所謂不知而妄作也

汗後吐逆證五 太陽七十五

發汗後水藥不得入口為逆若更發汗必吐下不止

汗出陽世土敗胃逆水藥不得入口是謂逆治若更發汗陽敗土崩太陰吐利之證必將俱作無有止期矣

汗後吐逆證六 太陽七十六

病人脉數數為熱當消穀引食而反吐者此以發汗令陽氣微膈氣虛脉乃數也數為客熱不能消穀以胃中虛冷故吐也

陰陽互根陽虛脫根升浮於上是以脉數數為客熱升浮不能消化水穀故作嘔吐緣其陽亡而胃中虛冷也

吐後生煩證七 太陽七十七

太陽病吐之但太陽病當惡寒今反不惡寒不欲近衣此為吐之內煩也

太陽病傷寒中風表邪外閉榮衛不達當見惡寒吐傷胃氣裏陽上逆外達皮毛故反不惡寒而欲去衣被此為吐之令陽火離根而內煩故也

吐後作吐證八 太陽七十八

太陽病惡寒發熱今身自汗出不惡寒發熱關上脉細數者以醫吐之過也一二日吐之者腹中汎口不能食三四日

吐之者不喜糜粥欲食冷食朝食暮吐以醫吐之所致也此為小逆

吐傷胃陽虛浮無根故關脉細數一二日胃病尚淺吐則傷輕胃中虛餒故饑而胃氣上升故不能食三四日胃病頗深吐則傷重陽火虛浮故不喜糜粥欲食冷食而胃中虛冷不能化穀故朝食暮吐此亦過吐傷胃是謂小逆遲則微陽續復逆氣乃下也汗吐下溫鍼諸逆之中惟吐為輕凡胸腹之內腐敗壅塞隔真陽凝鬱悶懊懷頭痛心煩吐之清氣通暢即刻輕安最妙之法也即吐之過當中虛內煩亦無汗下亡陽諸禍一溫中氣虛煩立止最易治療故曰小逆也

身疼下利證九 太陽七十九

傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯方在太陽救表

宜桂枝湯方在太陽

傷寒表病下之敗其裏陽續得下利清穀不止已成太陰自利而身體疼痛表證未解是表裏皆病然急當救裏不暇及表也救裏之後利止便調然後表之身疼痛者急當救之蓋表邪不解恐裏陰復鬱而生寒故救之宜急救裏宜四逆以溫中救表宜桂枝以解外傷寒而不用麻黃者裏陽既虛不敢過汗也此與太陰下利腹脹滿章彼此互文救表即攻表攻表即發表

新加湯證十 太陽八十

發汗後身疼痛脉沉遲者桂枝加芍藥生薑各一兩人參三兩新加湯主之

汗泄血中溫氣陽虛肝陷故脉沉遲經脉凝滯風木鬱遏故身疼痛新加湯甘草補其脾精桂枝達其肝氣芍藥清風水之燥生薑行經絡之痰人參補肝脾之陽以溫榮血而充經脉也

新加湯二十

桂枝三兩甘草二兩大棗十二枚芍藥四兩生薑四兩人參三兩於桂枝湯內加芍藥生薑各一兩人參三兩餘依前法

葛根連苓證十一 太陽八十一

太陽病桂枝證

太陽病桂枝證有表邪而無裏邪醫反下之敗其中氣利遂不止此當溫裏若脉促者是表未解也蓋病在經絡不

解表而攻裏表陽寒裏虛而內陷為裏陰所拒不得下達表裏東迫故見促象脈來數時止復來者曰促若喘而汗出者是胃氣上逆肺阻而為喘肺鬱生熱氣蒸而為汗也雖內有四逆證外有桂枝證而熱在胸膈二方俱不能受宜葛根連苓湯主之葛根連陽明之鬱苓連清君相之火胸膈肅清然後中下之寒徐可議溫也 桂枝證解表而用葛根以喘而汗出胸膈鬱蒸宜葛根之辛涼不宜桂枝之辛溫也

葛根黃連黃芩湯二十一

葛根半斤黃連兩三黃芩兩二甘草兩二右四味以水八升先煮葛根減二升入諸藥煮取二升去滓分溫再服

桂枝去芍藥證十二 太陽八十二

太陽病下之後脈促胸滿者桂枝去芍藥湯主之

下後脈促表邪未解是宜桂枝而益以胸滿則陽衰胃逆濁氣衝塞去芍藥之酸寒以解表邪若微惡寒者則不止脾陽之虛而腎陽亦敗加附子之辛溫以驅裏寒也

桂枝去芍藥湯二十二

桂枝兩三甘草兩二生薑兩三大棗兩十二於桂枝方內去芍藥餘依前法

桂枝去芍藥加附子湯二十三

桂枝兩三甘草兩二大棗兩十二生薑兩三附子一枚去皮炮 於桂枝湯方內去芍藥加附子一枚去皮破八片餘依前法

桂枝厚朴杏子證十三 太陽八十三

太陽病下之微喘者表未解故也桂枝加厚朴杏子湯主之

表病而攻其裏裏陰上逆而表邪未解肺氣鬱阻是以發喘桂枝加厚朴杏子降衝逆而破壅塞也

桂枝加厚朴杏子湯二十四

桂枝兩三芍藥兩三甘草兩二大棗兩十二生薑兩三厚朴兩二杏仁五十枚於桂枝湯方內加厚朴兩杏仁五十枚餘依前法

桂枝厚朴杏子證十四 太陽八十四

喘家作桂枝湯加厚朴杏子仁

平素喘家胃逆肺阻作桂枝湯解表宜加枳芍降逆而破壅也

桂枝去桂加茯苓白朮證十五太陽八十五

服桂枝湯或下之仍頭項強痛翁發熱無汗心下滿微痛小便不利者桂枝去桂加茯苓白朮湯主之

服桂枝湯後或又下之仍復頭項強痛發熱無汗甚似表證未解而加心下滿痛小便不利是非風邪之外束實緣濕邪之內動也蓋土虛濕旺脾陷而肝鬱不能泄水故小便不利胃迷而膽鬱不能降濁故心下滿痛濁氣衝塞

頭痛發熱桂枝去桂枝之解表加茯苓白朮泄濕而燥土也

桂枝去桂加茯苓白朮湯二十五

芍藥三兩甘草二兩大棗十二枚生薑兩茯苓兩白朮兩於桂枝湯方內去桂枝加茯苓白朮各三兩餘依前法煎服小便

利則愈

厚朴薑夏參甘證十六太陽八十六

發汗後腹脹滿者厚朴生薑甘草半夏人參湯主之

胃不偏燥脾不偏濕脾升胃降中氣轉運胸腹冲和故不脹滿汗泄中氣陽虛濕旺樞軸不運脾陷胃逆則生脹滿

厚朴生薑甘草半夏人參湯人參甘補中而扶陽朴夏生薑降濁而行鬱也

厚朴生薑甘草半夏人參湯二十六

厚朴一斤生薑半斤甘草二兩半夏半斤人參兩右五味以水一斗煮取三升去滓溫服一升日三服

枳實芍藥湯十七太陽八十七

傷寒下後心煩腹滿卧起不安者枳實芍藥湯主之

下傷中氣樞軸不運是以腹滿陽明上逆濁陰不降腐敗壅塞宮城不清是以心煩煩極則卧起不安枳實芍藥湯

厚朴枳實泄滿而降逆枳子吐濁痰而除煩也

枳實芍藥湯二十七

枳實芍藥湯二十七  
枳實四枚芍藥四兩水浸  
以上三味以水二升半煮取一升半去滓分二服溫進一服得吐者止後服

傷寒醫以丸藥火下之身熱不去微煩者

傷寒醫以丸藥火下之身熱不去微煩者傷寒醫以丸藥火下之身熱不去微煩者 梔子乾薑湯主之

而下敗其中氣濁陰上逆於生腐敗阻格君火不得下行故身熱而心煩梔子乾薑湯乾薑降逆而溫中梔子吐痰而除煩也

梔子乾薑湯二十八

梔子十四枚 乾薑二兩 右二味以水三升半煮取升半去滓分三服溫進一服得吐者止後服

梔子香豉證十九太陽八十九

發汗若下之而煩熱胸中窒者梔子豉湯主之

汗下敗其中氣胃土上逆濁氣填於君火不得下行故心官煩熱胸中窒塞梔子豉湯香豉調中氣而開窒窒梔子吐濁痰而除煩熱也

吐濁痰而除煩熱也

梔子豉湯二十九

梔子十二枚 香豉四兩 右二味以水四升先煮梔子得二升半內豉煮取一升半去滓分二服溫進一服得吐者止後服

服

梔子香豉證二十太陽九十

發汗吐下後虛煩不得眠若劇者必反覆顛倒心中懊懣者梔子豉湯主之若少氣者梔子甘草豉湯主之若嘔者梔子生薑豉湯主之

子生薑豉湯主之

發汗吐下土敗胃逆君火不降故虛煩不得卧眠劇則陳菟填塞濁氣薰心故反覆顛倒心中懊懣梔子豉湯吐其痰濁則陽降而煩止矣若少氣者加甘草以益氣若嘔者加生薑以止逆也

發汗吐下土敗胃逆君火不降故虛煩不得卧眠劇則陳菟填塞濁氣薰心故反覆顛倒心中懊懣梔子豉湯吐其痰濁則陽降而煩止矣若少氣者加甘草以益氣若嘔者加生薑以止逆也

梔子甘草豉湯三十

梔子十四枚 香豉四兩 甘草二兩 於梔子豉湯內加甘草二兩餘依前法得吐者止後服

梔子生薑豉湯三十一

梔子散二香豉細裹生薑兩於梔子豉湯加入生薑五兩餘依前法得吐止後服

忌梔子證二十一太陽九十一

凡用梔子湯病人舊微瀉者不可與服之

梔子苦寒之性泄脾胃而滑大腸凡用梔子諸湯設病人舊日脾陽素虛大便微瀉者不可與服也

太陽壞病入少陰去路十七章

少陰以寒水而化君火平人水火交則腎水温陰盛之人水旺火衰腎氣原寒病在太陽表陽外鬱內寒已動一有汗下温鍼之逆陽亡土敗寒水無制水邪泛溢死不旋踵扶陽明而抑少陰良工當思患而預防也

太陰壞病入少陰桂枝附子證一太陽九十二

太陽病發汗遂漏不止其人惡風小便難四肢微急難以屈伸者桂枝加附子湯主之

衛陽汗泄皮毛失斂是以汗漏不止表虛是以惡風汗亡血中温氣水鬱不能行水是以小便難陽亡土敗不能温養四肢是以四肢微急難以屈伸腎主五液入心為汗腎氣者諸陽之本汗漏不止則腎中陽根泄而不藏桂枝加附子湯桂枝達肝木之鬱陽芍藥斂風氣之疏泄薑甘大棗補脾精而和中氣附子煖腎水以益陽根也

桂枝加附子湯三十二

桂枝兩芍藥兩甘草兩大棗枚三附子一枚泡破八片生薑兩於桂枝湯內加附子一枚破八片餘依前法

芍藥甘草附子證二太陽九十三

發汗病不解反惡寒者虛故也芍藥甘草附子湯主之

汗泄血中温氣水鬱陽隔故表病不解而反加惡寒芍藥甘草附子湯芍藥清風而斂榮血甘草培土而榮水氣附

子煖水以補温氣也

芍藥甘草附子湯三十三

芍藥兩甘草兩附子一枚泡破八片以上三味以水五升煮取一升五合去滓温服

內外俱虛證三太陽九十四

下之後復發汗必振寒脉微細所以然者以內外俱虛故也

申明上章惡寒之義汗下亡陽必身體振寒而經脉細微所以然者以下傷其內汗泄其外內外之陽俱虛故也

苓桂朮甘證四 太陽九十五

傷寒若吐若下後心下逆滿氣上衝胸起則頭眩脉沉緊發汗則動經身為振振搖者茯苓桂枝白朮甘草湯主之

吐傷胃陽則病上逆濁氣衝塞故心逆滿陽氣浮升而無根故起則頭眩下泄脾陽則病下陷風木抑鬱故脉沉緊

木愈鬱則愈升升發太過而不得平故氣上衝胸又復發汗以亡經中之陽溫氣脫泄水枯風動於是身體振搖勢

如懸旌此緣於水旺土濕而風木鬱動也苓桂朮甘湯苓朮泄水桂枝疏木而甘草補中也

茯苓白朮桂枝甘草湯 三十四

茯苓兩甘草三兩 桂枝兩白朮兩 右四味以水六升煮取三升去滓分溫三服

真武湯證五 太陽九十六

太陽病發汗汗出不解其人仍發熱心下悸頭眩身瞤動振振欲擗地者真武湯主之 方在少陰十九

陽虛之人發汗過多土敗陽飛則頭目眩暈風木動搖則心悸肉瞤蓋木生於水而長於土水寒土濕木鬱風生是

以悸動根本搖撼則悸在臍間枝葉振搖則悸在心下振振欲擗地者風動神搖欲穴地以自安也木鬱風動原於

土濕而水寒真武湯生薑降濁而上嘔茯苓泄水而燥土芍藥清風而安振搖附子溫腎水以培陽根也 真武湯治少陰病內

有水氣腹痛下利小便不利四肢沉重疼痛或嘔者

桂枝甘草證 太陽九十七

發汗過多其人叉手自冒心下悸欲得按者桂枝甘草湯主之

汗亡心液火泄神虛故叉手自冒其心 冒者覆也汗多陽亡溫氣泄脫風木不盪而土敗胃逆濁氣填塞風木上行升路

鬱阻故心下動悸欲得手按以益神宇桂枝甘草湯桂枝疏木而安動搖甘草補土以培根木也

桂枝甘草湯 三十五

桂枝兩甘草二兩 右二味以水二升煮取一升去滓頓服

陽虛耳聾證七 太陽九十八

未持脉時病人又手自冒心師因教試令欬而不效者此必兩耳聾無聞也所以然者以重發汗虛故如此

五藏陰也陰中有陽清陽升發開竅五官濁陰下降七竅空靈故能聞見汗傷中氣肝脾不升肺胃不降清陽下陷濁陰上逆濁氣壅塞聽宮障蔽是以耳聾也

身重心悸證八 太陽九十九

脉浮數者法當汗出而愈若下之身重心悸者不可發汗若自汗出解所以然者尺中脉微此裏虛乃須表裏實津液自和便自汗出愈

浮數之脉當以汗解設在下後而見身重心悸之證雖有浮數之脉不可發汗當使其汗自出乃愈蓋水旺土濕則身體重濁水鬱風生則心下悸動以其傷肝脾之陽故也所以然者寸口雖見浮數而尺中則脉微弱寸口主表尺中主裏寸口浮數雖為表實而尺脉微弱則為裏虛須裏氣漸復表裏俱實則裏氣內拒表氣外發邪無內陷之慮便自汗出而愈醫家於此貴有實裏解表之法雖汗出而無虛虛之嫌則以人巧而代天工矣

桂苓甘棗證九 太陽一百

發汗後其人臍下悸者欲作奔豚茯苓甘草大棗湯主之

汗亡血中溫氣風水鬱動是以振悸枝葉不實則悸在心下根本不安則悸在臍間臍下振悸根本撼搖則奔豚欲作矣奔豚者風水奔騰狀如驚豚上衝胸膈及乎咽喉腹脇心首諸病皆作喘呼閉塞七竅火生病勢凶惡莫此為劇仲景扁鵲以為腎邪仲景霍亂臍上築者腎氣動也扁鵲難經腎之積曰奔豚其實純是肝氣蓋木氣奔衝原於陽亡而水寒也苓桂甘棗湯茯苓桂枝泄癸水而疏乙木甘草大棗補脾精以滋肝血也

茯苓桂枝甘草大棗湯三十六

茯苓二兩桂枝二兩甘草二兩大棗十二 右四味以甘瀾水一斗先煮茯苓減二升內諸藥煮取三升去滓溫服一升日

三服又作甘瀾水法取水二斗置大盆內以杓揚之水上有珠子五六千顆相逐取用之

桂枝加桂證十 太陽一百一



燒鍼令其汗鍼處被寒核起而赤者必發奔豚氣從少腹上衝心者灸其核上各一壯與桂枝加桂湯更加桂二兩

汗後陽虛脾隔水氣不舒一被外寒閉其鍼孔風水鬱動必發奔豚若氣從少腹上衝心胸便是奔豚發作宜先灸

核上各一壯散其外寒即以桂枝加桂湯更加桂枝以疏風水而降奔豚也桂枝加桂者於桂枝湯內更加桂枝也

桂枝加桂湯三十七

桂枝兩芍藥兩甘草兩大棗枚十二生薑兩三於桂枝湯內更加桂枝二兩共五兩餘依前法

桂枝加桂證十一 太陽一百二

太陽病下之後其氣上衝者可與桂枝湯用前法若不上衝者不可與之

下後其氣上衝是奔豚發作也可與桂枝湯用如前法疏風水而降奔衝若不上衝者奔豚未作不可與前湯也

桂枝去芍藥加蜀漆龍骨牡蠣證十二 太陽一百三

傷寒脈浮醫以火迫劫之亡陽必驚狂起卧不安者桂枝湯去芍藥加蜀漆龍骨牡蠣救逆湯主之

汗多亡陽君火飛騰神魂失歸是以驚生濁氣上逆化生敗腐迷失心官是以狂作桂枝加蜀漆龍骨牡蠣湯桂枝

甘草疏水而培中生薑大棗補脾而降逆蜀漆吐腐痰而療狂龍骨牡蠣斂神魂而止驚也

桂枝去芍藥加蜀漆龍骨牡蠣湯三十八

桂枝三兩甘草二兩大棗枚十二生薑兩三蜀漆兩三龍骨兩四牡蠣兩五右為末以水一斗二升先煮蜀漆減二升內

諸藥煮取三升去滓溫服一升

溫鍼亡陽證十三 太陽一百四

太陽傷寒者加溫鍼必驚也

溫鍼發汗亡陽土敗胃逆神魂無歸必生驚悸也

桂枝甘草龍骨牡蠣證十四 太陽一百五

火逆下之因燒鍼煩躁者桂枝甘草龍骨牡蠣湯主之

火剋後汗是為火逆火逆之登下之亡其復傷又復竟感發于二其長易申意惟良日乃貞象下之圭支寸也